



Nuuk 18. oktober 2018

UKA2018/146

Jens Napâtôk, Partii Naleraq

**Meeqqat atuarfianni pisortatut atorfeqartut pisortatut ilinniarsimanissaannik
piumasaqaateqalernissap pitsaaqutai pitsaanngequtaalu pillugit qulaajaasumik
Naalakkersuisut UKA2019-imut nassuiaammik saqqummiussinissamik
peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Sofia Geisler, Inuit Ataqtigiit)

Inatsisartuni ilaasortap Sofie Geisler, Inuit Ataqtigiit, Inatsisartut aalajangiiffigisassaattut siunnersuutaanut Partii Naleqqamiit siunnersuuteqartoq qujaffigerusupparput.

Suliffeqarfippassuarni piumasaqaataasarpog pisortaaniaraanni piumasaqaatit annertuut atuutinnissaat, soorlu ataqtigiissaartariaqakkat aamma tamakkununga ilaallutik.

Qatserisartutut ilinniarsimasut nalunngilaat pikkorissumik pisortaqtartariaqarneq aammalu taamaasilluni pisortaasup periutsit assigiinngitsut qanoq suliakkiukkasuarnissaat nalusarnagu, taamaammalu ilinniartutik pikkorissarsimanissaallu piumasaqaataasarluni.

Periutsip taamattup sulisut ataqtigiillutik sulinerup qanoq aqqissugaasimanissaa atortorissartutit qanoq atorneqarnissat ilaalu tamaasa ilanngullugit nalorsaatiginnguarnagit ingerlassinnaasarlugit.

Meeqqat atuarfianni pisortatut atorfeqartut ilinniarsimanissaannik piumasaqaaterlinnissaq pitsaaqutai pitsaanngequtaalu pillugu qulaajaasumik Nalaakkersuisut UKA 2019-imut nassuiaammik saqqummiussinissamik peqquneqarnissaannik siunnersuut assorujussuaq iluatinnaaneqarpoq.

Meeqqat atuarfiat pitsanngorsartuarnissaa pingaaruteqartorujussuuvoq, taamaammalu sakkut pitsanngorsaaqqinnissamut tamaasa atorluarniarneqarnissaat pingaaruteqartut ilagaat.

Atuarfimmi siuarsaaqqinnissamut periarfissat ilagaat meeqqat atuarfianni pisortatut atorfeqartut ilinniarsimanissaannik pitsaaqutai pitsaanngequtaalu qulaajaffigissallugit, tamatumalu nassatarisussaammagu pitsanngorsaaqqinnissamut periarfissaasinnaasut amerlanerit qulaajarlugit aqutissiuussisoqaqqinnissaa.

Taamatut oqaaseqarluta siunnersuut tamakkiisumik taperserparput aammalu ataatsimiitsitaliamut susassaqtumut ingerlaqqinnissaa innersuussuttigalutigu